



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

LXIX. Markgraf Johann beleibdingt Agnes, die Gattin des Ritters Hans von Rochow, den 20. Januar 1485.

---

---

**Nutzungsbedingungen**

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

czins wider ablosen soll by verliung derselben seiner lehen. Actum Tangermunde, Am Mitwoch nach Jubilate, Anno etc. LXXXIten.

Nach dem Churm. Lehns-Copialbuche Nr. XXVI, fol. 178 v.

**LXVIII.** Markgraf Johann genehmigt nachträglich die von dem verstorbenen Dieterich von Rochow vorgenommene Verpfändung seiner Einkünfte aus Neckahn, am 18. März 1483.

Wir Johans, von gotts gnaden Marggraue czu Brandenburg, czu Stettin, pomeran etc. herczoge, Burggraue czu Nuremberg vnd furste czu Rugen, Bekennen offentlich mit diesem briue fur vns, vnser erben vnd nachkomen marggrauen czu Brandenburg. Als ditrich von Rochow seliger gedechtnus, Andreas vnd peter Smid, gebruderen, vnd Iren rechten erben In vnser Stat Brandenburg die auffborung vnd nuczung Im dorff czu Rykane auff ein widerkawff verkawfft hatt, nach Inhalt seins kawfbriues dar vber geben, doch bizher keyn vollbortsbriue von vnser herschafft dar vber gegeben ist; das wir vff betlich erfuchen vnfers rats vnd lieben getrewen hanfen von Rochows, Ritters, czu Golczow, vnd auch von vnseren gnaden wegen solchen gescheen widerkawff verwillt vnd geuolbort haben, willigen vnd vollborten solchen widerkawff nach Inhalt desz kawfbriues darvber gegeben, In vnd mit craft dits briues, doch also, das der gnante hans von Rochow an solch guter vnd dorff nach abgang seins vaters erblich komen ist oder sein erben von dem gnanten Andreas vnd peter Smidt vnd Iren rechten erben, so ersten sie konnen vnd mogen, wider ablosen vnd czu anderen Iren guteren brengen sollen. Czu vrkund mit vnserem Anhangenden Infigel verfigelt vnd Geben czu Coln an der Sprew, am dinstag nach Judica, Im LXXXIII. Jar.

Nach dem Churm. Lehns-Copialbuche XXV, 311b.

**LXIX.** Markgraf Johann beleibdingt Agnes, die Gattin des Ritters Hans von Rochow, den 20. Januar 1485.

Wir Johans, von gotts gnaden Marggraue czu Brandenburg, czu Stettin, Pomeran etc., herczog, Burggraue czu Nuremberg vnd furste czu Rugen, Bekennen vnd thun kunth offentlich etc., das wir vff fleissig erfuchen vnfers Rats vnd lieben getrewen hanfen von Rochows, Ritters, Annen, seiner Elichen hawffrawen, czu rechtem liepgeding dise hirnach geschriben dorffer, Nemlich grossen vnd luticken Bencz mit dem Sehe czwischen denselben beiden dorffern gelegen, mit gericht, holzeren, wischen, heiden vnd allen anderen czinsen, nutzungen vnd czugehorungen, nichts aufzgenomen, gnediglich gelyhn haben vnd leyhn ir die obgnannten dorffer vnd Sehe mit allen nutzungen vnd czugehorungen czu rechtem liepgeding, wie vorberurt, In craft vnd macht dits briues, vnd also, so sie des gnanten ires Elichen mannes tod erleben wurde, das sie alzdann solche obgnante dorffer vnd See mit aller czugehorung, czinsen vnd Renten Inhaben, besitzzen, sich der gebrauchen, als liepgedings recht vnd gewonheit ist. Vnd wir leyhn ir hiran alles, das

wir ir von rechts wegen dar an verleyhen sollen vnd mogen vnd Geben ir des czu einem einweyfer vnseren lieben getrewen Bertram von Bredow czu Bredow. Czu urkund mit vnserem anhangenden Infigell verfigelt vnd Geben czu Coln an der Sprew, am Midwoch fabiani vnd Sebastiani, Anno etc. LXXXVten.

R<sup>lor</sup> Antonius von Wertern, Hoffmarschalk.

Nach dem Churn. Lehns-Copialbuche XXV, 132 b.

LXX. Kurfürst Johann schickt den Grafen Johann von Lindow, Ritter Hans von Rochow und Peter Burgsdorf als Abgesandte nach Hamburg in Sachen des Herzogs Johann von Sachsen, den 24. Januar 1487.

Johanns, von gottes genaden Marggraue zu Brandenburg etc. Unfern gonstigen grus zuuorn. Erfamen vnd weysen lieben Besondern. Wir schicken zw euch den Wolgebornen vnd Edeln vnser Rete vnd lieben getrewen Johansen Grauen von lyndow, Herren zu Ruppin vnd Mokern, Hannsen von Rochow, Ritter, vnd Petter Borgklsdorp, vnsern Voyt zu Cultrin, den wir muntliche werbung von vnsern wegen, betreffend den Hochgebornen fursten, vnsern lieben Swager, Herren Johannsen, Herzogen von Sachffen, Engern vnd Westualen etc., an uch zu ton beuolhen haben, gutlich begern vnd bitten, den genanten vnsern Reten Irer werbung auf dismal als vnser eigen person glawben geben vnd uch darjnnen gutwillig erzeigen, daran erzeigt Ir vnns sonders wolgefallen, das wir gonstlich verschulden wollen. Datum Coln an der Sprew, am Mitwoche Timotei, anno LXXXVII.

Nach dem Original des Hamburger Stadtarchives.

LXXI. Kurfürst Johann macht eine Summe Geldes, welche Peter Habener, Probst zu Brandenburg, für die Dorfstätte Bauersdorf bezahlt und Hans von Rochow für das Dorf Neckahn inne hat, für Peter Schmidt zu Brandenburg zu Lehn, um das Jahr 1490.

Wir Johanns etc. Bekennen offentlich mit dissem Briue etc., das vnser lieber getrewer peter Smidt, Burger In vnser Newen Stadt Brannenburg, vor vnns komen ist vnd bericht hat, das In uergangen Jaren der Wirdig Ern petrus habener, die zeit probst zu Brandenburg, ein wuste dorffstete, gnant Bawerstorff. So Andres Smit, sein Bruder, vnd er von Im zu lehen gehabt, vor drey hundert vnd zwe vnd Sibenczig gulden reinisch erblich vnd zu Eygenthum von Inen gekaufft mit vorbehaltung, das solch gelt, das iczt Hanns von Rochow, Ritter, vnser Rat zu widerkauff Inhat fur das dorff Rykan, forder In lehn anzulegen, des sey er nun In willen das mit sampt zwehundert gulden, die er noch darzu getan vnd iczund vff gelygen zu widerkauff steen, zu lehen komen zu lalsen vnd an zulegen vnd vnns gebeten mit demutigem vleis, solch gelt, das In einer Summ macht funff hundert vnd zwe vnd Sibenczig gulden Rinisch, zu manlehen zu machen vnd Im vnd Anthonius Smit seinem vetteren bisz zu seinen mundigen Jaren zu rechtem Manlehen vnd gesampter hant gnediglich zu leyhen. Als haben wir solch sein Bete vnd das solch gelt